

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИ  
ХУЗУРИДАГИ ЕР ҚАЪРИНИ ГЕОЛОГИК ЎРГАНИШ, САНОАТДА,  
КОНЧИЛИКДА ВА КОММУНАЛ-МАИШИЙ СЕКТОРДА ИШЛАРНИНГ  
БЕХАТАР ОЛИБ БОРИЛИШINI НАЗОРАТ ҚИЛИШ ДАВЛАТ  
ИНСПЕКЦИЯСИ БОШЛИГИНИНГ  
БҮЙРУҒИ

**673 «Юк кўтаргич (минора)ларни ўрнатиш ва улардан  
фойдаланишда хавфсизлик қоидаларини тасдиқлаш  
тўғрисида»ги буйруққа ўзгартиришлар киритиш ҳақида**

*Ўзбекистон Республикаси Адлия вазирлиги томонидан 2017 йил  
14 июлда рўйхатдан ўтказилди, рўйхат рақами 2313-1*

Ўзбекистон Республикасининг «Меҳнатни муҳофаза қилиш тўғрисида»-  
ги Қонуни, Ўзбекистон Республикаси Вазирлар Маҳкамасининг 2010 йил  
20 июлдаги 153-сон «Меҳнатни муҳофаза қилиш бўйича норматив-ҳуқуқий  
базани янада такомиллаштириш тўғрисида»ги қарорига мувофиқ **буюра-  
ман:**

1. Ўзбекистон Республикаси Вазирлар Маҳкамаси ҳузуридаги Ер қаъри-  
ни геологик ўрганиш, саноатда, кончиликда ва коммунал-маиший секторда  
ишларнинг беҳатар олиб борилишини назорат қилиш давлат инспекцияси  
бошлигининг 2011 йил 30 ноябрдаги 268-сон «Юк кўтаргич (минора)ларни  
ўрнатиш ва улардан фойдаланишда хавфсизлик қоидаларини тасдиқлаш тўғри-  
сида»ги буйруғига (рўйхат рақами 2313, 2012 йил 12 январь) (Ўзбекистон  
Республикаси қонун ҳужжатлари тўплами, 2012 й., 2-сон, 23-модда) илова-  
га мувофиқ ўзгартиришлар киритилсин.

---

*Ўзбекистон Республикаси қонун ҳужжатлари тўплами, 2017 й.*

2. Мазкур буйруқ расмий эълон қилинган кундан эътиборан кучга киради.

**Бошлиқ**

**Б. ГУЛЯМОВ**

Тошкент ш.,  
2017 йил 20 июнь,  
55/ю-1-сон

Ўзбекистон Республикаси  
Вазирлар Маҳкамаси ҳузуридаги Ер қаррини  
геологик ўрганиш, саноатда, кончиликда ва  
коммунал-маиший секторда ишларнинг  
бехатар олиб борилишини назорат қилиш  
давлат инспекцияси бошлиғининг 2017 йил  
20 июндаги 55/ю-1-сон буйруғига  
ИЛОВА

**«Юк кўтаргич (минора)ларни ўрнатиш ва улардан  
фойдаланишда хавфсизлик қоидаларини тасдиқлаш  
тўғрисида»ги буйруққа киритилаётган ўзгартиришлар**

1. Буйруқнинг муқаддимасидан «(Ўзбекистон Республикаси Олий Кенгашининг Ахборотномаси, 1993 й., 5-сон, 223-модда)», «(Ўзбекистон Республикаси қонун ҳужжатлари тўплами, 2006 й., 39-сон, 386-модда)» «(Ўзбекистон Республикаси қонун ҳужжатлари тўплами, 2010 й., 28-29-сон, 234-модда)» ҳамда «(Ўзбекистон Республикаси қонун ҳужжатлари тўплами, 2011 йил, 19-сон, 191-модда)» деган сўзлар чиқариб ташлансин.

2. Қоидаларда:

а) муқаддима қуйидаги таҳрирда баён этилсин:

«Мазкур Қоидалар Ўзбекистон Республикасининг «Мехнатни муҳофаза қилиш тўғрисида»ги, «Хавfli ишлаб чиқариш объектларининг саноат хавфсизлиги тўғрисида»ги қонунлари ва Ўзбекистон Республикаси Вазирлар Маҳкамасининг 2010 йил 20 июлдаги 153-сон «Мехнатни муҳофаза қилиш бўйича норматив-ҳуқуқий базани янада такомиллаштириш тўғрисида»ги қарорига мувофиқ юк кўтаргич (минора)ларни ўрнатиш ва улардан фойдаланишда хавфсизлик қоидаларини белгилайди.»;

б) 4-банд қуйидаги таҳрирда баён этилсин:

«4. Ташкилотларда мехнатни муҳофаза қилишга оид талабларга риоя этилиши устидан, шу жумладан ноқулай ва алоҳида мехнат шароитларида ишлаганлик учун ходимларга имтиёзлар ва компенсациялар берилиши юзасидан давлат назорати мехнатни муҳофаза қилиш соҳасидаги махсус ваколатли давлат органи ҳамда қонун ҳужжатларига мувофиқ бошқа давлат органлари томонидан амалга оширилади.

Мехнатни муҳофаза қилиш ҳолатини ўрганиш, иш берувчиларнинг жамоа

шартномалари ва келишувларида назарда тутилган меҳнатни муҳофаза қилиш бўйича мажбуриятлари бажарилиши устидан назорат касаба уюшмаларига ва ходимларнинг бошқа вакиллик органлари, шунингдек меҳнатни муҳофаза қилиш бўйича вакил этилган шахс томонидан амалга оширилади.»;

в) 6 ва 7-бандлар қуйидаги таҳрирда баён этилсин:

«6. Ташкилотларда қуйидаги асосий ҳужжатлар ишлаб чиқилиши ва тасдиқланиши лозим:

меҳнат шароитлари ва меҳнатни муҳофаза қилиш ишларини яхшилаш, санитария-соғломлаштириш бўйича қоидаларни ўз ичига олган жамоа шартномаси;

Вазирлар Маҳкамасининг 2014 йил 15 сентябрдаги 263-сон қарори билан тасдиқланган Иш ўринларини меҳнат шароитлари ва асбоб-ускуналарнинг жароҳатлаш хавфлилиги юзасидан аттестациядан ўтказиш тартиби тўғрисидаги низомга мувофиқ юритиладиган иш жойининг меҳнат шароитлари харитаси;

меҳнатни муҳофаза қилиш хизматининг чорақлик иш режалари;

ходимлар ва муҳандис-техник ходимларни ўқитиш, йўл-йўриқ бериш ва билимларини синовдан ўтказиш дастурлари;

меҳнатни муҳофаза қилиш бўйича назорат юритиш журнали (уч босқичли назорат);

ходимларга ёнғинга қарши йўл-йўриқ бериш ва ёнғин-техникавий минимум машғулотларини ўтказиш дастури;

ҳар бир касб ва иш турлари учун меҳнат муҳофазаси бўйича йўриқномалар.

7. «Меҳнатни муҳофаза қилиш тўғрисида»ги Қонуннинг 12-моддасига мувофиқ ишлаб чиқариш фаолиятини амалга оширувчи, ходимларининг сони эллик киши ва ундан ортиқ бўлган ҳар бир ташкилотда меҳнатни муҳофаза қилиш талабларига риоя этилишини таъминлаш, уларнинг бажарилиши устидан назоратни амалга ошириш мақсадида меҳнатни муҳофаза қилиш хизмати ташкил этилади ёки меҳнатни муҳофаза қилиш бўйича тегишли тайёргарликка эга бўлган мутахассис лавозими жорий этилади. Элликта ва ундан ортиқ транспорт воситаси мавжуд бўлган ташкилотда йўл ҳаракати хавфсизлиги хизмати ҳам ташкил этилади ёки йўл ҳаракати хавфсизлиги бўйича мутахассис лавозими жорий этилади.

Ходимларининг сони эллик нафардан кам бўлган ташкилотда меҳнатни муҳофаза қилиш хизматини ташкил этиш ёки меҳнатни муҳофаза қилиш бўйича мутахассис лавозимини жорий этиш тўғрисидаги қарор иш берувчи томонидан мазкур ташкилот фаолиятининг ўзига хос хусусияти ҳисобга олинган ҳолда қабул қилинади.»;

г) 32 — 36-бандлар қуйидаги таҳрирда баён этилсин:

«32. Ташкилотларда ходимларнинг саломатлигини назорат қилиш Ходимларни тиббий кўриқдан ўтказиш тартиби тўғрисидаги низомга (рўйхат рақами 2387, 2012 йил 29 август) мувофиқ амалга оширилиши лозим.

33. Ташкилот раҳбарияти касаба уюшмаси қўмитаси ва соғлиқни сақлаш муассасаси билан биргаликда ҳар йили даврий тиббий кўриқдан ўтиши

лозим бўлган ходимларнинг рўйхатини тузиши ҳамда ходимларнинг тиббий кўриқдан ўтишини таъминлаши зарур.

34. Тиббий кўриқлар ташкилотга тиббиёт хизмати кўрсатувчи даволаш-профилактика муассасалари томонидан, агар улар бўлмаган тақдирда ташкилот жойлашган жойдаги ҳудудий даволаш-профилактика муассасаси томонидан ўтказилади.

35. Тиббий кўриқдан ўтишдан ёки тиббий комиссияларнинг текширувлар натижасида берган тавсияларини бажаришдан бўйин товлаган ходимларни иш берувчи ишга қўймасликка ҳақлидир.

36. Ташкилот раҳбарияти ўз ходимларининг мажбурий тиббий кўриқдан ўз вақтида ўтиши учун ва мажбурий тиббий кўриқдан ўтмаган шахсларни ишга қўйиш натижасида фуқароларнинг соғлиғига етказилган зарарли оқибатлар учун жавобгар бўлади.».

3. Мазкур ўзгартиришлар Ўзбекистон Республикаси Давлат архитектура ва қурилиш қўмитаси, Ички ишлар вазирлиги, Соғлиқни сақлаш вазирлиги, Меҳнат вазирлиги, Ўзбекистон Касаба уюшмалари Федерацияси Кенгаши, «Ўздавэнергоназорат» инспекцияси, Ўзбекистон стандартлаштириш, метрология ва сертификатлаштириш агентлиги, «Ўзбекистон темир йўллари» АЖ ҳамда Тошкент шаҳар ҳудудий коммунал фойдаланиш бирлашмаси билан келишилган.

*Давлат архитектура ва  
қурилиш қўмитаси раиси*

**Б. ЗАКИРОВ**

*2017 йил 23 май*

*Ички ишлар вазири*

**А. АЗИЗОВ**

*2017 йил 23 май*

*Соғлиқни сақлаш вазири*

**А. ШАДМАНОВ**

*2017 йил 23 май*

*Меҳнат вазири*

**А. АБДУҲАКИМОВ**

*2017 йил 23 май*

*Ўзбекистон Касаба уюшмалари  
Федерацияси Кенгаши раиси*

**Қ. РАФИКОВ**

*2017 йил 23 май*

673-модда

— 234 —

28 (788)-сон

*«Ўздавэнергоназорат»  
инспекцияси бошлиғи*

*А. НИМАТУЛЛАЕВ*

*2017 йил 23 май*

*Ўзбекистон стандартлаштириш,  
метрология ва сертификатлаштириш  
агентлиги бош директори*

*А. ХАИТОВ*

*2017 йил 23 май*

*«Ўзбекистон темир йўллари»  
АЖ бошқаруви раиси*

*А. РАМАТОВ*

*2017 йил 23 май*

*Тошкент шаҳар ҳудудий  
коммунал фойдаланиш  
бирлашмаси бош директори*

*Ш. АЗИМЖОНОВ*

*2017 йил 23 май*